


Metodologjia mbi ofrimin e ndihmës juridike dytësore në formën e këshillimit



DREJTORIA E NDIHMËS JURIDIKE FALAS

Rr. "Jordan Misja", Njësia Administrative nr. 9, godina nr. 3, Tiranë

www.ndihmajuridike.gov.al

Hyrje

"Ndhmë juridike" është shërbimi juridik falas dhe shërbimet e tjera të parashikuara në këtë ligj, për personat që përmbushin kriteret e këtij ligji, të cilat garantohen dhe financohen nga shteti

Dhënia e ndihmës juridike bazohet në parimet e mëposhtme:

- a) aksesit të barabartë të individëve në ndihmën juridike;
- b) barazisë dhe mosdiskriminimit të individëve që gëzojnë të drejtën për ndihmë juridike;
- c) profesionalizmit në dhënien e shërbimit të ndihmës juridike;
- ç) cilësisë, efikasitetit dhe efikasitetit në kosto për shërbimet e ofruara të ndihmës juridike;
- d) ruajtjes së konfidencialitetit;
- dh) shmangies dhe parandalimit të konfliktit të interesit;
- e) mbrojtjes së të drejtave të personave vulnerabël.

Ndihma juridike jepet në format e mëposhtme:

- a) ndihmë juridike parësore;
- b) ndihmë juridike dytësore;

c) përfshirjen nga pagimi i tarifave gjyqësore dhe shpenzimeve gjyqësore, sipas ligjit, dhe përfshirjen nga detyrimi për të parapaguar tarifën e vënies në ekzekutim të urdhrit të ekzekutimit.

Ndihmë juridike dytësore është shërbimi juridik që ofrohet për përpilimin e akteve të nevojshme për të vënë në lëvizje gjykatën; ofrimi i këshillimit, përfaqësimit dhe mbrojtjes para gjykatës në çështjet administrative, civile dhe në çështjet penale, për të cilat nuk zbatohet mbrojtja e detyrueshme, sipas përcaktimeve të legjislacionit procedural penal.

Drejtoria e Ndhmës Juridike Falas është person juridik publik nën varësinë e Ministrit të Drejtësisë, në kuptimin e ligjit për organizimin dhe funksionimin e administratës shtetërore. Ndër të tjera, Drejtoria e Ndhmës Juridike Falas:

h) publikon listën e avokatëve, të cilët ofrojnë shërbimet e ndihmës juridike dytësore në faqen zyrtare të Drejtorisë së Ndhmës Juridike Falas;

i) publikon kontratën tip me avokatët për dhënien e shërbimeve të ndihmës juridike dytësore, pas miratimit nga Ministri i Drejtësisë;

j) kryen pagesat, bazuar në tarifën përkatëse të shpërblimit të avokatëve, të cilët ofrojnë shërbimet e ndihmës juridike dytësore, sipas përcaktimeve të këtij ligji;

k) lidh, deri më 1 mars të çdo viti kalendarik, kontratat e përvitshme të shërbimit me avokatët e përfshirë në listën e miratuar nga Dhoma Kombëtare e Avokatisë për ofrimin e ndihmës juridike dytësore;

l) zbaton sistemin e vlerësimit të cilësisë së dhënies së ndihmës juridike;

ll) mbikëqyr çdo vit standardet e ofrimit të shërbimeve të ndihmës juridike dytësore dhe dytësore nga organizatat jofitimprurëse dhe avokatët;

m) zbaton rregullat për rimbursimin e pagesave, sipas parashikimeve të këtij ligji dhe mbron intereset e buxhetit të shtetit;

n) harton dhe i propozon Ministrit të Drejtësisë aktet nënligjore, sipas parashikimeve të këtij ligji;

Aktet nënligjore ku bazohet veprimtaria e Drejtorisë së Ndhmës Juridike Falas në lidhje me ndihmën juridike dytësore:

- Vendimi i Këshillit të Prokurorisë nr. 231 datë 12.11.2019 “Për miratimin e rregullores për rregullat e garantimit të mbrojtjes së detyrueshme dhe emërimin e mbrojtësit bazuar në parimin e rotacionit nga lista e avokatëve që ofrojnë shërbime të ndihmës juridike dytësore në procesin penal”;
- Udhëzimi i përbashkët nr. 17 datë 05.08.2020 “Për rregullat për zbatimin e parimit të rotacionit në emërimin e avokatëve, të cilët do të ofrojnë ndihmë juridike dytësore, dhe në proceset administrative”;

- Udhëzimi nr. 6 datë 20.10.2019 “Për rregullat dhe procedurat e kryerjes së pagesave të shpenzimeve gjyqësore, për të cilat është vendosur përjashtimi në rastin e dhënies së ndihmës juridike”;
- Udhëzimi nr.4, datë 12.12.2012 “Për caktimin e masës së shpenzimeve dhe pagesave të eksperteve dhe dëshmitarëve gjatë procesit gjyqësor”, i ndryshuar;
- Urdhri nr. 226 datë 25.03.2019 i Ministrit të Drejtësisë, “Për miratimin e kontratave të ndihmës juridike të garantuar nga shteti”, i ndryshuar;
- Udhëzimi Nr.18, datë 05.08.2020 “Për miratimin e kriterëve të përfitimit të pagesave dhe tarifave të shpërblimit të avokatëve që ofrojnë ndihmë juridike detyësore”.

SHTOJCA I

TARIFAT E SHËRBIMEVE JURIDIKE TË AVOKATËVE TË NDIHMËS JURIDIKE

Lloji i shërbimit

Tarifa në lekë

	<u>I. MBROJTIA JURIDIKE NË FUSHËN PENALE</u>	Tarifat
1	<u>Përfaqësimi në çështjet penale</u>	
	= Shërbim për ndalimet dhe arrestimet deri në dhënien dhe ndryshimin e masës së sigurimit	15,000
2	<u>Ndihmë juridike për hetimet paraprake deri në dërgimin e çështjes për gjykim</u>	
	= Për kundërvajtjet penale	20,000
	= Për krimet që parashikojnë një dënim deri 10 vjet burgim, në gjykatën e Rr. Gjyqësor	50,000
	= Për krimet që parashikojnë një dënim mbi 10 vjet burgim dhe në Gjykatën e Posaçme të Shkallës së Parë për Korrupsionin dhe Krimin e Organizuar	60,000
3	<u>Ndihmë juridike për gjykimet në shkallë të parë</u>	
	= Për kundërvajtjet penale	20,000
	= Për krimet që parashikojnë një dënim deri 10 vjet burgim, në gjykatën e Rr. Gjyqësor	30,000
	= Për krimet që parashikojnë një dënim mbi 10 vjet burgim, në gjykatën e Rr. Gjyqësor	80,000
	= Për krimet që gjykohen në Gjykatën e Posaçme për Korrupsionin dhe Krimin e Organizuar	96,000
4	<u>Ndihmë juridike për gjykimet në gjykatat e apelit dhe ajo e Lartë dhe Kushtetuese</u>	
	= Për gjykimet në gjykatat e Apelit	40,000
	= Për gjykimet në gjykatën e Lartë dhe atë Kushtetuese	50,000
	<u>II. MBROJTIA JURIDIKE NË FUSHËN CIVILE DHE ADMINISTRATIVE</u>	
1	<u>Përfaqësimi në Shkallë të Parë</u>	
	= Përfaqësimi në shkallë të parë, pa palë	15,000
	= Përfaqësimi në shkallë të parë, me palë	40,000
2	<u>Përfaqësimi në Gjykatën e Apelit, atë të Lartë dhe Kushtetuese</u>	
	= Përfaqësimi në Gjykatën e Apelit	45,000
	= Përfaqësimi në Gjykatën Lartë dhe Kushtetuese	60,000
3	<u>Shërbime juridike jashtëgjyqësore</u>	
	= Përgatitje kërkesa ankimore	15,000
	= Përgatitje rekursi për në Gj. Lartë si dhe kërkesë në Gj. Kushtetuese	25,000
	= Ofrim ndihmë juridike në formë këshillimi	500-1500 lek/ora
	<u>III. TË TËRA SHËRBIME AVOKATIE</u>	
	<i>Të tjera shërbime avokatie që mund të mos jenë përfshirë në zërat e mësipërm</i>	

Udhëzim i përbashkët i ministrit të Drejtësisë dhe i ministrit të Financave dhe Ekonomisë nr. 18, datë 5.8.2020 “Për miratimin e kriterëve të përfitimit të pagesave dhe tarifave të shpërblimit të avokatëve që ofrojnë ndihmë juridike dytësore”, parashikon ndër të tjera kriteret e shpërblimit për shërbimin e ofruar nga avokati.

Me përfundimin e procedurave të dhënies së ndihmës juridike, avokati duhet të paraqesë pranë Drejtorisë së Ndihmës Juridike Falas formularin për shpërblimin, për ndihmën e ofruar, në përputhje me kontratën vjetore të lidhur midis avokatit dhe kësaj drejtorie.

Formulari për shpërblimin për ndihmën juridike shoqërohet me:

- faturën tatimore të shërbimit të ofruar;
- kopje të vendimit të gjykatave të dhëna për çështjen ose kopje të akteve të tjera, të përpiluara sipas shtojcës 1;
- raportin për përfundimin e punës, sipas formatit të miratuar nga Ministria e Drejtësisë.

Pagesa e shërbimit bëhet përmes llogarisë bankare dhe sipas kushteve të vendosura në kontratën tip të miratuar, siç përcaktohet në ligjin nr. 111/2017 “Për ndihmën juridike të garantuar nga shteti”.

Në rast se avokati heq dorë nga dhëna e ndihmës juridike dytësore, atij nuk i takon shpërblim për shërbimin e dhënë, sipas kontratës vjetore të shërbimit të lidhur me Drejtorinë e Ndihmës Juridike Falas, përcaktuar në shkronjën “b”, të pikës 1, të nenit 24, të ligjit nr. 111/2017 “Për ndihmën juridike të garantuar nga shteti”. Në çdo rast, dhoma vendore menjëherë njofton Drejtorinë e Ndihmës Juridike Falas.

Në rastet e heqjes dorë për raste të ndryshme nga ato të parashikuara në pikën 4, Drejtoria e Ndihmës Juridike Falas njofton Dhomën e Avokatëve të Shqipërisë për vlerësimin e inicimit të një procedimi disiplinor.

Kompensimi i shpenzimeve

Avokati ka të drejtën e mbulimit të shpenzimeve për shërbimin juridik të kryer. Kompensimi i shpenzimeve bëhet në përputhje me legjislacionin në fuqi.

Si një nga format e ofrimit të shërbimit të ndihmës juridike dytësore, ligji ka parashikuar dhe këshillimin ligjor. Nga praktika është vënë re që në rastet kur avokati nuk ka ofruar ndihmë juridike dytësore në formën e përfaqësimit në gjykatë, ka orientuar përfituesin për zgjidhjen e çështjes, nëpërmjet këshillimit ligjor. Me qëllim minimizimin e abuzimit në lidhje me orët e ofruar të këshillimit nga avokati, Drejtoria e Ndihmës Juridike Falas vlerëson që ofruesi i ndihmës juridike dytësore duhet të paraqesë pranë DNJF-së, procesverbalin mbi orët e këshillimit të nënshkruar midis ofruesit të ndihmës juridike dytësore dhe përfituesit të ndihmës juridike dytësore, si mjet vërtetues për shërbimin e ofruar.

Ndërsa në lidhje me orët e këshillimit dhe vlerën e shërbimit sipas orëve, me qëllim shmangien e rasteve abuzive të orëve të këshillimit dhe lehtësimin e procesit të shpërblimit mbi shërbimin e kryer nga Drejtoria e Ndihmës Juridike Falas, duke sjell edhe uljen e shpenzimeve në buxhetin e shtetit, sugjerjomë miratimin e një metodologjie mbi vlerësimin e orëve të këshillimit të dhënë nga avokati gjatë ofrimit të ndihmës juridike dytësore.

METODOLOGJIA PËR OFRIMIN E NDIHMËS JURIDIKE DYTËSORE NË FORMËN E KËSHILLIMIT

Neni 1

Këshillimi ligjor

Këshillimi është dhënia e informacionit mbi mënyrat dhe mundësitë e zgjidhjes së një çështjeje konkrete juridike.

Neni 2

Format e këshillimit

- a. Këshillimi për çështje penale;
- b. Këshillim për çështje administrative;
- c. Këshilli për çështje civile.

Neni 3

Përcaktimi i orëve për këshillim

Orët e këshillimit sipas natyrës së çështjes:

1. Për kundravajtjet penale, këshillim deri në 1 (një) orë nga avokatet për përfituesit e ndihmës juridike dytësore;
2. Për çështjet penale që parashikohet deri në 10 vite burg, këshillim deri në 3 (tre) orë nga avokatet për përfituesit e ndihmës juridike dytësore;
3. Për çështjet penale kur vepra parashikon më shumë se 10 vite burg, këshillim deri në 4 orë nga avokatet për përfituesit e ndihmës juridike dytësore.
4. Për çështjet civile, këshillim deri në 4 orë nga avokatët për përfituesit e ndihmës juridike dytësore;
5. Për çështjet administrative, këshillim deri në 4 orë nga avokatët për përfituesit e ndihmës juridike dytësore.

Neni 4
Masa e shpërblimit për orët e këshillimit

Shpërblimi për orët e këshillimit të ofruar nga avokati, kryhet nga Drejtoria e Ndhmës Juridike Falas, sipas tarifave të përcaktuara në pikën 3, të kreut II, të Shtojcës 1, të Udhëzimit e Përbashkët nr. 18, datë 05.08.2020 "*Për miratimin e kriterëve të përfutimit të pagesave dhe tarifave të shpërblimit të avokatëve që ofrojnë ndihmë juridike detyësore*".

Neni 5
Kriteret për shpërblimin për këshillim

Me përfundimin e procedurave të dhënies së ndihmës juridike falas në formën e këshillimit, avokati duhet të paraqes pranë Drejtorisë së Ndhmës Juridike Falas, krahas dokumentacionit të parashikuar në Udhëzimin e Përbashkët nr. 18, datë 05.08.2020 "*Për miratimin e kriterëve të përfutimit të pagesave dhe tarifave të shpërblimit të avokatëve që ofrojnë ndihmë juridike detyësore*" dhe procesverbalin që vërteton ofrimin e shërbimit në formën e këshillimit. Procesverbali sipas aneksit 1.

ANEKSI I (Procesverbal për orët e këshillimit për ndihmën juridike dytësore)



REPUBLIKA E SHQIPËRISË
DHOMA E AVOKATISË SË SHQIPËRSIË

DHOMA VENDORE E AVOKATISË _____

AV. _____

Nr. license _____, NIPT _____

Adresa : _____

PROCESVERBAL KËSHILLIMI

I mbajtur, sot me datë _____, në zyrën e avokatisë _____, midis meje Av _____ dhe përfituesit të ndihmës juridike dytësore falas _____, me ID _____, me adresë _____ dhe nr. tel _____, në lidhje me çështjen e caktuar sipas vendimit Nr. _____, datë _____, të Gjykatës së Shkallës së Parë të Juridiksionit të Përgjithshëm _____, si dhe Vendimit Nr. _____, datë _____, të Dhomës Vendore të Avokatisë _____.

Ky procesverbal shërben për të dokumentuar të gjitha veprimet ligjore të ndërmarra në kuadër të mbrojtjes së interesave të ligjshëm të përfituesit të ndihmës juridike falas.

(Trajtimi i çështjes, zgjidhja e dhënë nga avokati gjatë orëve të këshillimit, orët e këshillimit)

Nënshkrimi (Emër, Mbiemër, Firmë)

Avokati

Përfituesi